

## 莲花诗句大全

1.  
团团堤路行无极，一株一步杨柳碧。佳人反覆看荷花，自恨鬓边簪不得。  
——宋自逊《东湖看荷花呈愿父》
2.  
采莲时节懒匀妆，日到波心拨棹忙。莫向荷花深处去，荷花深处有鸳鸯。  
——何应龙《采莲曲》
3.  
涉江玩秋水，爱此红蕖鲜。攀荷弄其珠，荡漾不成圆。——李白《折荷有赠》
4.  
长爱碧阑干影，芙蓉秋水开时。脸红凝露学娇啼。霞觞熏冷艳，云髻袅纤枝。烟雨依前时候，霜丛如旧芳菲。谁同醉采香归。去年花下客，今似蝶分飞。——晏几道《临江仙·长爱碧阑干影》
5.  
四面垂杨十里荷，问云何处最花多。画楼南畔夕阳和。天气乍凉人寂寞，光阴须得酒消磨。且来花里听笙歌。——苏轼《浣溪沙·荷花》
6.  
轻轻姿质淡娟娟，点缀圆池亦可怜。数点飞来荷叶雨，暮香分得小江天。  
——完颜畴《荷》
- 7.田田初出水，菡萏念娇蕊。——龚翔麟《菩萨蛮·题画》
- 8.

荷叶田田青照水，孤舟挽在花阴底。昨夜萧萧疏雨坠。愁不寐，朝来又觉西风起。雨摆风摇金蕊碎。合欢枝上香房翠。莲子与人常厮类。无好意，年年苦在中心里。——欧阳修《渔家傲》

9.  
闲吟鲍照赋，更起屈平愁。莫引西风动，红衣不耐秋。——陆龟蒙《芙蓉》

10.  
平湖漠漠芰荷稠，水国芳春不胜秋。空有棹歌人不见，晚风一曲去悠悠。——司马光《荷花》

11.  
芙蓉耐夏复宜秋，一种今年便满沟。南荡东陂无此物，但随深浅见游儵。——王安石《芙蓉》

12.  
平湖淼淼莲风清，花开映日红妆明。一双鸂鶒忽飞去，为惊花底兰桡鸣。兰桡荡漾谁家女，云妥髻鬟黛眉妩。采采荷花满袖香，花深忘却来时路。——邹登龙《采莲曲》

13.  
一番荷芰生池沼，槛前风送馨香。昔年于此伴萧娘。相偎伫立，牵惹叙衷肠。时逞笑容无限态，还如菡萏争芳。别来虚遣思悠飏。慵窥往事，金锁小兰房。——尹鹗《临江仙》

14.  
踏溪分藕养新荷，钿盖斜临瑟瑟波。自是天姿不汙著，水深泥浊奈君何。——宋祁《小荷》

15.  
镜湖三百里，菡萏发荷花。五月西施采，人看隘若耶。回舟不待月，归去越王家。——李白《子夜吴歌》

16.

携杖来追柳外凉，画桥南畔倚胡床。月明船笛参差起，风定池莲自在香。  
。——秦观《纳凉》

17.

长爱碧阑干影，芙蓉秋水开时。脸红凝露学娇啼。霞觞熏冷艳，云髻袅纤枝。烟雨依前时候，霜丛如旧芳菲。与谁同醉采香归。去年花下客，今似蝶分飞。——晏几道《临江仙·长爱碧阑干影》

18.紫艳半开篱菊静，红衣落尽渚莲愁。——赵嘏《长安晚秋》

19.

秋气堪悲未必然，轻寒正是可人天。绿池落尽红蕖却，荷叶犹开最小钱。  
。——杨万里《秋凉晚步》

20.拥红妆，翻翠盖，花影暗南浦。——高观国《祝英台近·荷花》

21.

玉雪窍玲珑，纷披绿映红。生生无限意，只在苦心中。——吴师道《莲藕花叶图》

22.四顾山光接水光，凭栏十里芰荷香。——黄庭坚《鄂州南楼书事》

23.

洛神挺凝素，文君拂艳红。丽质徒相比，鲜彩两难同。光临照波日，香随出岸风。涉江良自远，讵意在无穷。——辛德源《芙蓉花》

24.

镜湖八百里何长，中有荷花分外香；蝴蝶正愁飞不过，鸳鸯拍水自双双。  
。——徐渭《荷花》

25.

荷叶罗裙一色裁，芙蓉向脸两边开。乱入池中看不见，闻歌始觉有人来。  
。——王昌龄《采莲曲》

26.

荷气吹凉到枕边。薄纱如雾亦如烟。清泉浴后花垂雨，白酒倾时玉满船。  
钗欲溜，髻微偏。却寻霜粉扑香绵。冰肌近著浑无暑，小扇频摇最可怜。  
——周紫芝《鹧鸪天·荷气吹凉到枕边》

27.

红苞绿叶共低昂，满眼寒波映碧光。应是西风拘管得，是人须与一襟香。  
——文同《西湖荷花》

28.

自有东湖知几年，荷花今日尚依然。堪嗟世事时时改，只有荷花岁岁妍。  
——吴芾《东湖观荷有感》

29.

拥红妆，翻翠盖，花影暗南浦。波面澄霞，兰艇采香去。有人水溅红裙，  
相招晚醉，正月上、凉生风露。两凝伫。别后歌断云间，娇姿黯无语。  
魂梦西风，端的此心苦。遥想芳脸轻颦，凌波微步，镇输与、沙边鸥鹭。  
——高观国《祝英台近·荷花》

30.

山光忽西落，池月渐东上。散发乘夕凉，开轩卧闲敞。荷风送香气，竹  
露滴清响。欲取鸣琴弹，恨无知音赏。感此怀故人，中宵劳梦想。——  
孟浩然《夏日南亭怀辛大》

本文链接：<https://duanjuziku.com/duanjuzi/kl3si8hoy8.html>